



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-656-5/22**
Datum: **10.03.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „HC ING“ d.o.o. Bihać, za izdavanje vodne dozvole za ispuštanje tehnoloških otpadnih voda sa lokacije kamenoloma "Podići" i aktivnosti koje mogu imati specifične uticaje na vode prilikom izvođenja aktivnosti, lokalitet Međudražje, grad Bihać, na osnovu člana 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu, „HC ING“ d.o.o. Bihać, daje se vodna dozvola za ispuštanje tehnoloških otpadnih voda sa lokacije kamenoloma "Podići" i aktivnosti koje mogu imati specifične uticaje na vode prilikom izvođenja radova u kamenolomu, lokalitet Međudražje, grad Bihać, na zemljištu označenom po novom katastarskom operatu kao k.č. broj: 498 K.O. Zavalje – Bihać, u granicama odobrenog eksploatacionog polja Ugovorom o koncesiji broj KU 034/2011, novembar 2011. godine.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu-kamenolomu i pod slijedećim uslovima:
 - 3.1. Da se upotreba i korištenje predmetnog kamenoloma vrši u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Korisnik mora obezbjediti da se oborinske onečišćene vode i tehnološke otpadne vode prikupljaju i tretiraju u taložniku i separatoru ulja i masti i tako prečišćene otpadne vode prije ispuštanja u površinske vode moraju da zadovolje granične vrijednosti u skladu sa Prilogom 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.3. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno Uredbi o uslovima ispuštanja otpadnih voda u okoliš i sisteme javne kanalizacije.
 - 3.4. Otpadno ulje (rabljeno ulje), zauljeni otpadni materijal (filteri, krpe, pucvale i slično), masti iz separatora, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
 - 3.5. Metalni otpad potrebno je sakupiti u namjenske posude do odvoza od strane firme koja ovaj otpad koristi kao sirovinu.
 - 3.6. Objekte za prikupljanje i prečišćavanje otpadnih voda korisnik ove vodne dozvole je dužan da redovno održava i koristi na način koji će obezbjediti njihovu potpunu ispravnost i funkcionalnost.
 - 3.7. Čišćenje i pražnjenje uređaja za tretman otpadnih voda, separatora ulja i masti može vršiti isključivo pravno lice ovlašteno za te poslove, prema sklopljenom ugovoru.
 - 3.8. O načinu i vremenu održavanja, odnosno pražnjenju, odvozu i zbrinjavanju sadržaja separatora ulja i masti, neophodno je voditi službenu evidenciju.
 - 3.9. Talog iz separatora se ne smije ni privremeno odlagati na česticu vodno dobro odnosno u vodotoke i na njegove obale.

3.10. Da se redovno vrši monitoring prečišćene oborinske onečišćene vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH» broj 26/20 i 96/20), te pojedinačne i zbirne godišnje izvještaje dostavi Agenciji u skladu sa članom 23. Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13 i 24/14).

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, „HC ING” d.o.o. Bihać, na PK "Podići" je dužan provoditi sve mjere i aktivnosti propisane Odlukom o zaštiti izvorišta vode za piće Klokot i Privilica ("Službeni glasnik općine Bihać" broj: 15/2009).
6. U periodu važenja ove dozvole, korisnik „HC ING” d.o.o. Bihać je dužan provoditi sve mjere i aktivnosti propisane istom.
7. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH”, broj 70/06) se daje sa rokom važenja od (5) pet godina, od dana pravosnažnosti ovog rješenja.
10. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „HC ING” d.o.o. Bihać, obratilo se ovoj Agenciji dana 13.12.2022. godine sa zahtjevom za izdavanje vodne dozvole za kamenolom "Podići" Međudražje, grad Bihać, na zemljištu označenom kao k.č. broj: 498 K.O. Zavalje, a čije su granice eksploatacionog polja odobrene Rješenjem ministarstva privrede Vlade USK broj: 06-18-15401-UP-1/18 od dana 24.02.2020. godine, kojim se odobrava prenos eksploatacionog prava za eksploataciju mineralne sirovine - dolomita unutar eksploatacionog polja „Podići” Međudražje, na području grada Bihaća, ukupne površine 2 ha, označene slovima – tačkama A, B, C i D a definisane koordinatama (X,Y) .

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, Matični broj upisa: 17-01-0520-12, izdatog dana 14.12.2022. godine, od strane Općinskog suda u Bihaću,
- Ovjerena kopija Uvjerjenja o poreznoj registraciji, izdatog dana 05.06.2012. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza, izdatog od strane Uprave za indirektno-neizravno oporezivanje Banja Luka, broj 04/1-17-1-UPJR/1-3436-2/12, dana 05.07.2012. godine, u Banja Luci,
- Kopija uplatnice upravne pristojbe,

- Kopija rješenja, kojim se privrednom društvu „HC ING“ d.o.o. Bihać, odobrava prenos eksploatacionog prava za eksploataciju mineralne sirovine dolomita unutar granica eksploatacionog polja „Podići“ Međudražje, na području općine Bihać, izdato od strane Ministarstva privrede Vlade USK pod brojem: 06-18-15401-UP-1/18 od dana 24.02.2020. godine, u Bihaću,
- Kopija Ugovora o koncesiji br. KU 034/2011 za eksploataciju dolomita na ležištu „Podići“ na području grada Bihaća, zaključenog sa koncesorom – Ministarstvom privrede Unsko-sanskog kantona dana novembra 2011. godine u Bihaću,
- Rješenje kojim se odobrava upotreba izgrađenih rudarskih objekata, postrojenja i uređaja na površinskom kopu dolomita „Podići“ Međudražje grad Bihać, izdato pod brojem: 06-18-13467-UP-1/2015 od 12.01.2016. godine, na ime prethodnog korisnika „Horizont“ doo, koga je sadašnji korisnik kupio,
- Ugovor o kupoprodaji prava i obaveza zaključen između prodavaca „Horizont“ doo Bihać i kupca „HC ING“ doo Bihać sklopljen 31.10.2018. godine,
- Ugovor o prenosu Ugovora o koncesiji broj KU 034/2011 sklopljen februara 2020. godine,
- Glavni projekt vanjske hidroinstalacije za površinski kop kamenolom „Podići“ pravnog lica „HORIZONT“ d.o.o. Bihać, urađen od strane IBIS d.o.o. Zavidovići, pod brojem 33-IB-G/17 od maja 2017. godine,
- Tehnički Elaborat za eksploataciju dolomita na PK-kamenolomu „Podići“ lociranog na k.č. broj: 498 K.O. Zavalje – općina Bihać broj: 12-IB-TE/17 od maja 2017. godine,
- Kopija Rješenja o vodnoj dozvoli na ime pravnog lica „Horizont“ doo Bihać, izdatog pod brojem: UP-I/25-3-40-478-5/17 dana 22.08.2017. godine.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 63/22), izvršen je pregled lokaliteta kamenoloma "Podići", koji se koristi od strane pravnog lica „HC ING“ d.o.o. Bihać, i tom prilikom sačinjen zapisnik o uviđaju, broj: UP-1/21-3-40-656-4/22 od 24.02.2023. godine, pri čemu je utvrđeno:

Predmetni kamenolom "Podići" je lociran u naselju Međudražje, grad Bihać.

Eksploataciono polje je površine 2,0 ha ograničeno prelomnim tačkama označenim kao: A, B, C i D, koje su definisane koordinatama (x,y):

Prelomne tačke	koordinate	
	Y	X
A	5 567 227	4 957 850
B	5 567 137	4 958 000
C	5 567 063	4 957 956
D	5 567 132	4 957 759

kako je definisano gore navedenim Rješenjem kantonalnog ministarstva privrede broj: 06-18-15401-UP-1/18 od dana 24.02.2020. godine, kojim se odobrava eksploatacija mineralne sirovine dolomita unutar eksploatacionog polja „Podići“, te Ugovora o koncesiji br. KU 034/2011 za eksploataciju dolomita na ležištu „Podići“ na području grada Bihaća.

Na predmetnom kamenolomu, u vrijeme vršenja uviđaja, postojali su slijedeći objekti i mašine/postrojenja: postrojenje za drobljenje kamenog agregata, postrojenje separacije drobljenog kamena, kontejner objekt koji služi kao prostorija za poslovođu i radnike i sanitarne prostorije.

Na predmetnom lokalitetu, u vrijeme izvršenja uviđaja su vršeni pripremni radovi na eksploataciji mineralne sirovine na jednoj etaži.

Na prostoru predmetnog kamenoloma trenutno nije omogućen priključak na javni gradski vodovodni niti kanalizacioni sistem. Za piće se koristi flaširana voda, a za sanitarne potrebe voda se dovozi u cisterni.

Oborinske vode sa internih saobraćajnih i parkirnih površina, radnih površina kopa te skladišnih površina iskopanog dolomita, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te slijevaju ka taložniku unutar eksploatacionog polja, te tako istaložene ispuštaju prema separatoru na tretman u istom a potom ispuštaju u okoliš.

Radovi predviđeni projektnom dokumentacijom za prikupljanje otpadnih voda izvedeni su u skladu sa projektnom dokumentacijom.

Uvidom u Odluku o zaštiti izvorišta vode za piće Klokot i Privilica ("Službeni glasnik općine Bihać" broj: 15/2009) propisane su mjere i ograničenja koje se moraju provoditi na trenu tokom aktivnosti na PK-kamenolomu "Podići", a u cilju zaštite kvalitativno - kvantitativnog režima izvorišta "Privilica". U Odluci je navedeno da se dozvoljava rad postojećih privrednih subjekata koji su izgrađeni i rade u skladu sa važećim propisima, odnosno da ne mogu mijenjati vrstu i obim djelatnosti u odnosu na stanje zatečeno danom stupanja na snagu Odluke, te da su dužni pridržavati se odredbi odluke i propisanih mjera zaštite.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka i utvrđenog činjeničnog stanja, doneseno je rješenje navedeno u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „HC ING“ d.o.o. Bihać, Ceravačka brda 48., 77000 Bihać
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča - AVP Sava